



Pronalazak droge, oružja i municije

Dana 17.05.2021.godine u 17.05 sati, provodeći operativnu akciju kodnog naziva “LANE”, policijski službenici Odjeljenja za borbu protiv zloupotreba opojnih droga - Sektora kriminalističke policije, Uprave policije MUP-a Kantona Sarajevo su u ulici Bužimska, općina Novi Grad Sarajevo izvršili pretres lica A.A., rođen 1991.godine u Sarajevu, gdje je i nastanjen. Tom prilikom kod istog je pronađen i oduzet jedan paketić sa suhom zeljestom materijom koja asocira na opojnu drogu marihuanu i jedan paketić sa materijom koja asocira na opojnu drogu spid. U vezi navedenog, na osnovu pribavljene Naredbe Općinskog suda u Sarajevu, a pod nadzorom Kantonalnog tužilaštva Kantona Sarajevo, na području općine Novi Grad Sarajevo, izvršen je pretres kuće, okućnice i pratećih prostorija koju koristi S.H., rođen 1983.godine u Sarajevu, gdje je i nastanjen. Prilikom pretresa je pronađeno i oduzeto sljedeće:

- pištolj cal. 6,35 mm sa okvirom i 6 metaka istog kalibra,
- pištolj sa natpisom “BBM” sa okvirom, bez municije,
- pištolj marke “EKOL P29”, cal. 9 mm, sa okvirom i 5 metaka,
- 73 metka različitog kalibra,
- 2 digitalne vage,
- jedna plastična drobilica,
- oko 350 grama materije koja asocira na opojnu drogu spid,
- oko 70 grama suhe zeljaste materije koja asocira na opojnu drogu marihuanu,
- 41 paketić sa suhom zeljastom materijom koja asocira na opojnu drogu marihuanu,
- 7 mobilnih telefona i
- 2 rokovnika sa evidencijama.

Na licu mjesta su, pore gore navedenih lica, zatečeni M.M., rođen 1997.godine u Velikoj Britaniji, nastanjen u Sarajevu i N.K., rođen 1994.godine u Sarajevu, gdje je i nastanjen. Izvršenim pretresom kod M.M. je pronađeno i oduzeti 6 paketića sa materijom koja asocira na opojnu drogu spid, dok je od N.K. oduzeta jedna metalna kutija sa dva paketića sa materijom koja asocira na opojne droge marihuanu i spid. Zbog postojanja osnova sumnje da je počinio krivična djela iz člana 238. stav 1. KZ F BiH (Neovlaštena proizvodnja i stavljanje u promet opojnih doga) i člana 74. stav 1. tačke a) ZONDINOM-a Kantona Sarajevo (Nedozvoljeno držanje oružja i municije bez odobrenja nadležnog organa), lice S.H. je lišeno slobode i predato u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Protiv lica A.A., M.M. i N.K. će biti dostavljen službeni izvještaj Kantonalnom tužilaštvu Kantona Sarajevo, zbog postojanja osnova sumnje da su počinili krivično djelo iz člana 239. stav 3. KZ F BiH (Posjedovanje i omogućavanje uživanja opojnih droga). Policijski službenici nastavljaju kriminalističku obradu nad licem S.H. s ciljem dokumentovanja opisanih krivičnih djela, nakon čega će biti predat u nadležnost Kantonalnom tužilaštvu.

18.05.2021